



~~C7874~~

Ud 5368

2^o



Brud 5368 dd (1-14)

S O C I A L E

Fortunæ Virtutisq;

C O N N V B I V M

In Illustrissimis Neo-Sponsis

A N D R E A

De Lubieniec

N I E M O I E W S K I

C A S T E L L A N O B I D G O S T I E N S I

A N N A

In Tuczno

T V C Z Y N S K A

C A S T E L L A N I D E G N E S N E N S I

Capitaneide Povidzensi

Ad festivas Hymenæi tædas

B E N E V O L O

T H O M A E I E M I E L S K I

Tribunidæ Inovladislaviensis

C A L A M O

A D V M B R A T U M

DE 1364 1364 1364 1364 1364 1364 1364 1364 1364 1364

P O S N A N I A E

In Autum Insigne

JLLVSTRISSIMI Neo-SPONSI
ANDREÆ NIEMOIEWSKI
CASTELLANI BIDGOSTIENSIS



*Patritias ridet ver Ceras inter: amarus
Vives, qui Majo sunt incunte, dies.
Ambitur Terno Flos idem Vomere: aratri
Hic prædux, ævi frugiferi omen habet.
SPONSA infert secum diuturna Symbola Vita;
Ævum Fortuna sic sociavit Hymen.*



Requens de hodierni ævi malignitate querimonia, ad vestri Hymenæi faces felicissimè euanuit: Neosponsi Illmi. Nimirum, ex chalybea refictum massa, præsens quo vivimus seculum, ita apud omnes percrebuit, ut, cum in Saturni annos, obryzum; in Iouis ætatem, argentum; in succedentia deinde lustra, tantò melius deteriusq; metallum; quantò minori maioriq; interuallo antea acta contingebant tempora, a thaumaturga Cælorum vi, consumptum esse autument; sibi, steriles in Vulcani officina cudi mentes, quibus pretii parùm, amænitàtis insit minimum, lamententur. Sed ad hodiernas tandem tædas innotuit, quòd, malè, effleratum cælitibus ingenium, malè chalybeam temporibus appingamus cruditatem; quandoquidem, Vobis, æternùm duraturam, sic inter Ceras portendit æther felicitatem, ut Gentilitiam chalybis durtiem, per amæna connubii sædera, mitissimo florum confortio temperaret. Equidem, ego, Patritiam TVCZYNSCIORVM Rotam, pluribus Honorum insigniis, quàm ferra-mentorū dentatam acuminibus, vix ad Mulciberi malleum retulerim: suis hanc Fortuna manibus, é principe fabricata est metallo; ne aureas (citra Platonis commenta) tot Procerum animas, alius, præterquam auri fulgor denotaret. Nisi fortè ex eadem quâ Cælorum orbes, materiâ, effictam esse credimus, utpote, quæ, tot, Primæ in Polonia magnitudinis sidera, & insignes Sarmatici orbis circumegerit Planetas: cujus proinde medium, non vulgaris æquitatis index, Astrea occupavit. Si tamen, positum extra Fortunæ imperia animum, si robur spartanis nequaquam coæquandum viribus, si infracta TVCZYNIORVM animi constantia, solo adumbrari ferro potuit: ne quis, rigidiora NeoConiugum connubio lustra metueret, Patritium NIEMOIEWSKI im-pedit Rosetum. Ego, certè, dum in Magnos Coniuges, animi pupillam impensius defigo, Fortunam hic nubere Fortunæ, honorem iungi honori, Senatorias Purpuras, Procerum permisceri laticlaviis, insignes deniq; animi dotes, cum magnis Societatem inire virtutibus, deprehendo. Non uno

iam sæculo orbis viderat, TVCZYNIANÆ Nobilitatis
schema, Rotam, Fortunæ ipsius Insigne fuisse, quod, non
tam propitia illorum sanguini Dea (nihil enim ad Fortunæ
benevolentiam pertinet, collatus bene meritis Honor) quam
amicum virtutibus Cælum, ceu æternam Honoris ar rham,
in illorum deposuit Prosapia. Fortunæ planè simulacrum est
illa Virago, cui pro sipario æternam Apelles offudit noctem,
ut omnem è peruetusta migrandi Domo eriperet liberta-
tem. Sed & manus illi ademit hæreditaria TVCZYNIO-
RVM gloriæ possessio; credo, reuerita, ne aliò orbem impel-
leret. adeo non satis fuerat hamatas circulo infixisse remo-
ras, ne innata animi levitate (*nam pernix ad ludibrium Dea hæc
est*) contra dentatos niteretur obices, manibus eam spolia-
uit. Sed, tam memores antiquitatum fasti, quam recens ævi
nostri memoria recolit, TVCZYNIOS, Fortunam in mani-
bus gessisse. Quotquot ex Trabeata hac Domo sanguinem
traxere Nepotes, honoris quoq; certissima sumpserunt o-
mina: quasi prima infantium bulla, grandi postmodum præ-
luderet laticlauius. Quod de Iulide Cææ Insulâ, itemq; Ægi-
nâ, memoriæ prodidit (*in Demosth*) Plutarchus, illas *Parasi-
torum bistrionumq; fecundissimas, Virum bonum, & cordatum, &
magnanimum gignere nequaquam posse*: id, ordine in contrarium
mutato, de TVCZYNIORVM dixero Prosapia: eos,
quodam originis privilegio ad insignes quosq; ausus ini-
tiari: nullusq; ferme, non Illustribus in Patriam meritis,
& quod consequens est, non Trabeatis effulsit Fascibus,
quicumq; genus in hanc reuoluit propaginem. Suo contabe-
scere infortunio magnas plerumq; stirpes animadvertimus,
quia, non rarò, à maximis oriundæ, in minimos probros
desinunt: cum videlicet nobilem in fonte magni sangui-
nis scatebram, nepotum deinde limus confundit: genui-
norum inquam nepotum, qui, non ampla solum Patrimonia,
sed quod infelicius est, Maiorum famam, & partas tot sudo-
ribus Gloriæ gazas, infami decoquant prodigalitate. Quasi
verò omnis à Parentibus exhausta sit gloria, ut nil sibi esse
reliqum putet, quò se factis extendat, posteritas. Fitq; non
rarò, ut hac latius promanante desidiâ, omnis Antecesso-
rum oblitteretur fama. præsentia enim nepotum scelera, fa-
storum fidem de Parentum virtute extenuant, imò extin-
guunt. Sic innocuos stolones generosa vitis exuberat, si

frugiferæ plerumq; sylvescunt plantæ, sic locupletes auri ar-
gentiq; venæ in rudem glebam desinunt: vel ut apertius di-
cam, sic Heroum Filij, noxarum nomine, non minùs tur-
piter quàm verè nuncupantur. Procul hæc à *Tuczynsciana* Do-
mo ignominia, ubi nullus in suam vixisse gloriam Paren-
tes existimat, quin simul propositum in iisdem exemplar
credat, quod factis exprimat. Itaq; Avorum Gloriam præ-
claris augment conatibus, & avulso in consanguinitatis ar-
bore uno surculo non deficit alter: nilq; per fatorum iniu-
riam TVCZYNIS præter munerum perit, posteritate,
Maiorum gesta, continuante. Neq; in re quam sua certitu-
do à dubitandi remouit confiniis exaggerandâ nimius e-
ro: ne, quod ille ait, æquitati causæ diffidere videar, si
multis pro ea perorem. An enim TVCZYNIANAM
Generositatem non luculenter in Te exprimis, absolutissi-
mum magni Herois exemplar, Senatoris Poloni idea, Vir
immensâ animi capacitate nemini secundus, *Castellane Gne-
nensis Stanislae TVCZYNISKI*. Viva Tu magnanimitatis *Tuczy-
niana* imago, sic Poloni illius Catonis Castellani Posnaniensis
Christophori Tuczynski Avi Tui, auctoritatem; sic Inovratislavi-
ensis Succamerarii, digni cui nunquam terminales obliuio po-
nat limites, Parentis Tui, virtutem; sic aliorum retro ex Ve-
stra Linea Procerum complexus es animo gloriam, ut ad
confirmandam magnæ stirpis ingenuitatem, aliud præter Te
exemplar non requiram: cum Tua, *Senator Amplissime*, Vir-
tus, omnem exaggerationis tollat suspicionem, omnem as-
sentationis dispungat metum. Quis enim ex gravi vultus
majestate, verborum pondere, in omnes circumspecti par-
tes animi prudentiâ, externarum Polonarumq; rerum peri-
tiâ, non continuò, *Tuczynium* Te esse concludat, in quem, tot
naturæ fortunæq; dotes, per sanguinis etiam jura defluxe-
rint? Utinam mihi liceret in retroactos annos memoriam
mittere, & Tuæ fortitudinis enumerare documenta: quali-
ter Polonus Achilles, *abeneis squammis timendus, cum litui sonus
suiq; conjurata Martis* Victricia sub Chocinum signa vo-
carent, sparsa sequi celer vexilla, palantemq; Lunam Sarmaticis agna-
re campis olim sciveris. Vellem triumphantis laureas, & glo-
riæ post cæsos hostes spolia recensere: sed hæc meliori
pagina, id est recenti Polonorum memoriæ, æiterna com-
misit fama. Dexteritatis Tuæ non minimum etiam illud

lerrimè inferis, cumq; imbelles alii, in Senatoria tantum
curuli equitent, Tu, intra carpenta, delitescere bellicam cre-
dis indolem. Equitem nimirum Te Polonum esse non diffi-
teris, & sic Patritiam induisse Togam, ut pulchrum Quiriti-
um nomen non exueris. Ergo hæreditariam *Tuczynis* Virtu-
tem, & quæ huic latus sociat, Fortunam, vel ex Te uno *Gne-
sensis Castellane* colligimus, ut proinde meritò in Patriti-
as *Tuczyniorum* Ceras, deuolutum esse Fortunæ circulum, fatea-
mur. Paternos hæcenus ANNÆ TVCZYNIAE, quibus
grandes vix sufficerent fasti, obiter delibavi splendores.
Iam si Maternum Genus & eximios per Illustrem Magnæ
Consanguinitatis scatebram in *Tuczynianam* domum deri-
uatos attendo titulos: lucubrationi assuetus caligine pro-
pmodum stylus obruitur. Sarmaticum enim pæne orbem,
& primos quosq; Proceres ad TVCZYNIORVM perti-
nere decora demonstrabo, si *Prusimsciorum Opaleniorum
Lesczyniorum Firleorum* immistam Nomini claritudinem, in
hos etiam redundare, ostendero. *Prusimscianus* igitur san-
guis in Neo-sponsam cum Materno influxit lacte, in pri-
mam hæc effusa lucem, Gentilitiâ illorum Fasciâ inuolui me-
ruit: ut hoc illustri Nodo, summam illi Fortunam Lucina
illigaret: vel certè, ut magnorum deinde Honorum victi-
mam, hac vittâ insigniret: rata, innocentis animi Heroïnâ,
non alio, quàm exforti macularum stemmate, portendi
debuisset. Hinc etiam ad *Opalenia Navis*, Iasonicâ Argo lon-
ge fortunatoris, felicitatem pertinet. Illius inquam Na-
vis, quæ, tot Procerum Fortunam, ad magni Honoris vexit
promontoria In *Lesczyniana* porro Magnitudinis Capitolium,
tam hostium quàm Honorum manubiis refertum, per
Aviæ eluctata est Appiam: quo item nomine, in plurimas
Procerum stirpes, consanguinitatis privilegio immigravit.
Deniq; *Firleianus* Proaviæ Leopardus, alibi à seruatò
sollicitè auro, hic à pretiosiore metallis Libertate commen-
dabilis, nec tam macularum, quàm virtutum Fasciumq;
varietate conspicuus, *Firleanam* illi defert gloriam.
Illam inquam gloriam, quæ, omnium, quibuscunq; Civi-
um merita coronat Sarmatia, Honorum coalescit compen-
diosi solam regalis solii excipias (cuius adhuc in coronato
capite omen gerit) maiestatem. Hæc, & sexcenta eiusmo-
di generis ornamenta, cum prænobili dote Illustrissimi

Sponsi thalamo infert, *tantorum titulis Illustris Avorum* Neo-Con-
iunx. Grandes enimvero splendores, & ultra quos, ad Genia-
lia Sacra Hymenæus tædis non egeat. Sed parem ibidem
Cerarum reperit maiestatem, eandem fortunæ, eandem titu-
lorum magnificentiam. NIEMOIE WSCIANA videlicet
Domus, quoddam etiam Fortunæ augustal est, ubi, & Pa-
tritio murice, & meritis insignes, plures numeraveris He-
rões, quàm Zopyros in suo malogranato Darius desiderarit.
quotquot *Lubienie cianum Niemoiewscianumq;* nomen (nam ea-
dem utriq; stirps est) complectitur decora, in *Bidgosliensem
Castellanum* hæreditario derivantur nomine.

Oberro animo *Niemoieviana* Domus adyta; & Scipionum
me aut Camillorum atria ingressum existimo. Heu quot
quantaq; occurrunt Senatorum numina, quàm illustres
cum Polonis Proceribus affinitates! Primus se oculis offert,
Matthias Niemoievius, Vir immortalitatem meritis, & tantò
carior Patriæ ac desiderandus, quòd relicto sibi superstite
Filio Ianussio, prospexerit nè desideraretur. Sic ille Patriti-
um Genus provexerat meritis, ut neq; Ianussii indoles defi-
diosè torperet: namq; Hic, ad patria honorum culmina
Culmensem *Castellani* adjecit Purpuram, & prænobilem
Niemoieviorum stirpem, Divum sanguini immistus, ducta in
Trabeatum thalamum, de KOSTKARVM Sangvine, Ca-
tharinâ Palatini Mariæ-burgensis Filiâ: Feminâ, cum qua
& sceptris non impar (in solii candidato IOANNE KO-
STKA) Nobilitas, & Virtus quam Cælo intulit STANI-
SLAVS, in Mariti prolapiam commigrârunt. Ivit dein-
de Splendor hic in triarium planè robur, id est, in Illmum fi-
liorum ternionem. quorum primus, *Stanislaus Niemoiewski*, ut
tempore, sic Fascibus, alios antevertit, Regni primò Subdapi-
fer, mox Paternæ Trabeæ Hæres: & quàm bene Fortunæ,
cum *Niemoieviana* conveniret Indole, palam fecit. hæc e-
nim Parentum gesta approbat, dum filiis ad idem suffraga-
tur subsellium. Nec his limitibus circumscribi potuit *Niemo-
ieviana* Felicitas: latius sese protulit, cum Palatina Pomera-
niæ gubernacula, *Tuo, Castellane Ille, Avo*, contulisset. Et
quidem in pares Patritia Toga impegit humeros, pro quibus
minimè erubesceret: dignum enim tali Trabeâ Virum re-
fuderit auctoritas. *Tuo, Castellane Ille, Avo*, contulisset.

um *Niemoiewski*, in cuius elogia, Thracius quoque conspirat orbis: illum, Poloni Pyrrhi ad Othomanicum Tyrannum Oratorem. Quantam in hoc admiratus est Oriens magnanimitatem! cum inter barbaram hostium ferociam, sui Principis referret Personam, eâ maiestate, ut horrorem Machometanis incuteret: eâ fiducia, ut Polonæ libertatis gloriam adstrueret: eâ efficaciam, ut truculento Principi persuaderet. Ingentis enimvero animi Vir, quem, a Regis Patriæque obsequio, non vitæ periculum, non gentis in nostrum intentæ exitium crudelitas, non sexcenta ejusmodi discrimina, retardarunt. Iam verò Parentis Tui Theodori, Palatinidæ Pomeraniæ, viri de Patria meritissimi, quis encomia percurreret? dignus longiore vitâ heros, maximis re-luxisset Honoribus, nisi, festinata mortalitatis jura, supremum fati negotium accelerassent. Vivit tamen in Te Tuoque fratre Vladislao, æquissimo Inovladislaviensis Themidis arbitro: Vivit in Illma Filia *Apollinara Wierzbowska* Castellana Lancicensis: neque illum emori finet Vestrorum series Nepotum. Denique, si affinitatis vinculo Vobis colligatas stirpes recenseo: occurrit Palatini Culmensis Stanislai Confors Czarnkovia, *Ducum de Czelopa* Pignus, quorum Gentilitiæ innexa *Tania*, infinita prope Pontificum Procerumque nomina (etsi hodie tam ampla Domus in unicum desierit phænicem) si ad calculum reuocarem, immenso manus succum beret labori. Occurrit voti alterius Marita, Palatini Cracoviensis *Zebzydovii* Soror. Hæc, Paternæ, in *Niemoievios* transtulit, Domus decora: quæ, postmodum, in tot stirpes redundarent, cum, *DANILOVICIIS* (quorum hodie sanguinem in ter Augusto *MONARCHA* adorat septemtrio) *Smoguleccis*, quorum Gloriæ *Tuczyniana* hodie militant encomia: *Tyskievicis* quorum, cum orbe nomen diffunditur: *Cetnero*, *Skrzetuscio* *Czarnkovo*, *Czerfcio*, & sexcentis eiusmodi Stirpibus, *NIEMOIEVIÆ* connubij sacramento sociarentur. ut revera ultra Thulenatus credi debeat, qui *Niemoievscianum* ignorat nomen. Quid, si Maternum *Iemielsciorum* Genus calamo exararem: quantos paginae inferrem radios? Iam, *Covaliensis*, iam *Inovladislaviensis Castellani* Purpura, *Inovladislaviensis* item *Tribuni* Honor: ipsa quoque *PRIMATIS* Regni *Laurentij Gembicki*, per illius neptem *Zophiam Krzycka*, huc devoluta Tiara occurreret. Adeo

sus, & Procerum candor, debitam conciliat majestatem. Parigitur Generis Nobilitas, sociali Illustros *Neo-Sponsos* iungit Connubio.

Sed ego, Vos *NEO-SPONSI Illmi*, non solis duntaxat natalium Titulis, sed, quod maius est, virtutibus etiam & probitate incipio coæquare. Scio primam hanc stirpium laudem esse, si ex prænobili trunco sumant originem. Etiam me assentiente *Nobilitas cunctis exordia pandit laudibus, atque omnes redeunt in Semina cause*. Avitæ plerumque Nepotibus sunt ut virtutes sic crimina, nec aliud scelerum motivum aliqui habuere, quam quod pessimis orti essent. sic quod ille ait *Vitium radicis continuant thyrsi, deformes quidem sed non diffformes, quia fado exemplari perquam Similes*. Non sterile itaque laudis argumentum est, splendor Natalium: quia ut virulenta suos in ortus exsurgunt germina, ita Maiorum pietas, Nepotibus adhærescit. Exilis nihilominus est, quam solus exarat sanguis commendatio: vixque inter propria nostrum decora censendum genus et proavos, edictum olim fuerat: eò, quod nullam in his industriam, nullam consumpserimus solertiam. Vobis *NEO-SPONSI Illmi*, amplam texit panegyrim, calamo leviter adacta Natalium felicitas, sed non sola. In comitatum gloriæ venit orthodoxa probitas, ex qua tanta in Genus defluit æstimatio, quantum in annulos ex gemmis pretium. Prima se paginae infert, decora utriusque Coniugum Oris dignitas. Equidem, formam fragile esse bonum, ita indubitate existimo, ut imbecillo niti illos fundamento censeam, qui, hoc quotidianum temporis spoliū, hanc diffluxuram ad quosvis morborum ignes ceram, hanc fatorum ictu frangendam Crystallum, humanam dico formam, in panegyris desumunt argumentum. Scio sub oris gratiâ tetram puris mephitim latitare, & mentiente liliū candorem vultu, Cadaveris tegi Camarinam: Denique quis illud æstimet, quod, funestissimo suæ Patriæ Lychno Paridi, quod probrosæ Ægypti Phædræ Helenæ, potuit obtigisse. Si tamen Diogeni credimus, gemmea vagina forma est, cui quoties plumbeū veluti gladium, sceleribus deditam mentem natura ingerit, æterno se imprudentiæ obstringit piaculo. nimirum, etiam ex hoc apparente corporis domicilio, inquilina mens noscitur, tantumque aliqui cum Trajano creduntur in

in facie venustatis. Quocirca turpem Paterculi vultum ad animi squalorem non nemo retulit: cum distorto corporis monstro inclusum animum, non indigno circumseptum domicilio pronuntiasset. Ergo vestrae Neo-Sponsi uirtutis non obscurus est index, pulchre a natura effecti corporis simmetria. Tibi imprimis *CASTELLANE* Illme tanta in vultu Maestas, tam plenum grauitate (sed citra arrogantiam) supercilium, tam vivida oculorum acies, tam exporrecta (mentis generosae theatrum est) frontis hilaritas, ut, si hodie Imperiorum suffragia ex vultus peterentur decoribus, *Regnum posses ex ore mereri*. Nec aliam puto specie, ille mundi domitor Alexander, suos a Phidia vultus exprimi, non aliam pingi ab Apelle herodes, non aliam denique inter mortales comparere Dii voluissent. Nec minimum venustatis addit corpori, proceritas, & magnae menti competens humerorum dispositio. Augustus enim vero lacertus, & cui cum Patritio Purpurae laticlavio, suae incolumitatis curam securissime, Polonia committeret. Ita Sponsus, os humerosque Deo similis. At vero Sponsae facies, *quali digna tabella!* Si mimus ille naturae Zeuxes, absolutissimum venustatis exemplar, Dearum pulcherrimam, coloribus adumbraret; nulla credo aliam praeter *TVCZYNIÆ* vultum egeret idea: de quo verius protulisset Epithalamicus vates, quod non absque fide Poetica de Stiliconis consorte dixerat *quis Dignior, isto, vultus erit? non labra rosa, non colla pruinæ, non crines aequant violæ, non lumina flammæ*. Maior tamen illius commendatio, ex insigni virginitatis ornamento, verecundia, sumitur: quam tantopere eminet, ut qui in ea palpebram defixerit, credat ex aethere lapsam stare *Pudicitiam, vel Sacro thure vocatam Iunonem*. Et certe minus in sese oculos rapit, quia minus spectabilis est, fucata stibio, pigmentis imbuta, illita lenociniis facies, praevultu, quem virtutis irradiat purpurisum. Ergo Neo-sponsae Illmae, ex stoici mente, non popolare est ornamentum, pulcherrima, & nulli adhuc ætati obnoxia forma: sed maximum non immerito videtur decus, Pudicitia, quæ id effecit, ut *Castellanis Posset videri Pallas, si clypeum ferret: si spicula, Phæbe*. Iam *NEMOIEVSCIANÆ* fortitudini, non tantum ex caeso toties hoste enatae laureæ, sed ipsum etiam nomen (pulchrum utique heroæ virtutis omen) suffragatur. Et certe, hinc etiam

rantis animi fumat documenta, quod, & Tuæ virtutis fortunæque ex asse hæredem *Illustrem Filium*, in quem unicum tantæ *Domus stirps inclinata recumbit*. Virum nomine genueris; & *FILIAS*, alteram *Posnaniensi Dapifero MYCIELSCIO*, alteram *Castellano Bidgostiensis*, utrique *ANDRÆ*, Virilem vel nomine profitenti dexteritatem, in Connubium dederis. Sed ultra luculentum Nominis calculum, habet etiam alia *NEMOIEVVS* suæ virtutis argumenta. Nimirum illi mens ardua semper a puero, tenerisque etiam fulgebat in annis. Et quemadmodum olim, dum Gradivi sacramento teneretur, gaudebat cum Trajano quoties aut *Cassidi suæ aut Clypeo gravior ictus incidere*: ita nunc remisso bellis nuntio, eodem vultu fortunam patitur, quo hostium tela exceperat: tunc Bistonum infractus incursu, nunc fatorum. Dignus planè Vir, cui Illustris *VIRAGO* in Connubii societatem cooptaretur. Virago inquam, cuius si robur exquiris, non ad Thermodoontis incolas Amazones, sed ad Senecæ censuram te relego. Intellegas inquit magni animi esse feminam, quam non ambitio, non avaritia, comites omnis potentiae & pestes, vicerunt. Nil ego de vestra Neo-Coniuges affabilitate: sessitare alteri in ore lusciniæ, alter loqui rosas videtur. Ac Marito imprimis quam castigati ad leges modestiæ sales; quos etiam Hippolytus non asperata rugis fronte audiat: quam spirantes amœnitatem joci: ad quos nec rigidum pudeat risisse Catonem. Sponsae verò ut in nomen, sic in linguam gratia influxit: & si aliqua Claudiano Fides, quod Serenæ olim, *ubera prima dabant gremiis redolentibus auræ, ternaque eam pulchris innectens gratia membris, afflavit, docuitque loqui*: *Tuczynia* quoque infantiam, sub gratiarum adolevisse disciplinam non dubitabo. Tales enim vero fortunatus Hymen Coniuges exigit: malè enim ex Trophonii antro in thalamos itur: malè sociali vitæ nomen inscribunt, quorum moribus innata asperitas, horrorem intuentibus ciet: deserto enim & ferarum lustris hi, quam mutuo convictui aptiores. Ille quoque Iustitiæ amor, cui non ita pridem Poloniae Tribunal dederat testimonium, poscit Tua Illme Neo Sponse elogia. Patuit enim in nostro Arcopago, quod nemo praeter Te esset *iuris & æqui nosse modum melior*. Ad rectissimam æquitatis balancem expendebas omnia, nullis aut benevolentiae aut pollicitationum illecebris a iustitiæ defle-

intra TVCYNIORVM Ceras statuam, Tuæ infert Domui.
ab Atheniensium non abludens consuetudine, Iudicum vir-
tutem, quæ nullis obnoxia esset largitionibus, truncâ repen-
dentium imagine. Quid autem de Tua dicam eloquen-
tia? nolim Te dicente redivivam Tullii, nolim Demosthe-
nis facundiam. Tenuisti nuper suo parentantem Succame-
rario Posnaniam; & iustissimi ob raptum Patriæ Civem do-
loris lenimenta, a Tuo traximus eloquio. Sic enim Maje-
statis nomine plenam luctuum effuderat complorationem,
ut pendentibus a Tuo ore Proceribus, & oris gravitate, & e-
nergiâ verborum attonitis, mistum admirationi gaudium,
excitares. Nescio an aliquando augustius *Maestas meminit*
se se Polona locutam. Non auderet fortasse alius ex fandi uber-
tate Illmæ Nuptæ encomium desumere: nec ego ignoro
profusam huic sexui inesse dicacitatem: ut mundi cunabu-
la elogiis complexus Orator, in salis obstupefactam simula-
crum feminam, eleganti nec absq; salibus prosecutus que-
rimoniâ, inter portenta retulerit, *Feminam esse & tacere.* Sed
Illma *Tuczynia Tam procul a lingua impotentia quam a reliquis mulie-*
bris animi vitiis recessit. Olim sibi prisca puellares prudentia transiit
annos; cuius auspiciis, quæcunq; in aliorum aures profert, ea
vel aurum increantur, vel cedrum. Mihi tamen maiorem
parit admirationem, quod a Felicissimis Coniugibus, tanto
naturæ, tanto fortunæ præsidio, instructis, longè discessit re-
bus vitium solenne secundis, virtutumq; ingrata comes *Superbia.* Non
illis arrogans alienæ vilitatis contemptus, tumore cervicem,
fastu vultum arrigit: nam modesta deterioris quoq; sangui-
nis æstimatio, superbiam ab animo æternâ proscripsit lege.
Quid de Parentum dicam reverentia? Matrem Neo-Spon-
sæ citius fatum eripuit, quam hæc Thalamis adolevisset:
crevit itaq; sub *Noverca;* sed quæ magni post Genitricis jactu-
ram solatia luctus restituens, propius quam si genuisset amavit. Egit
illud optimi exempli Heroïna *Castellana Gnesnensis* hac sua
comitate; suo in Priuignam affectu, ut Senecæ effato fi-
dem infregerit, qui, olim, nulli non magnò constitisse etiam
Bonam *Novercam* voluit: cum videlicet maternam in fovenda
Castellanide benevolentiam superaret. Sed & Neo-Nuptæ
obsequia, & quanta vix in Filia potest conspici pietas, nisi
ultra inuenissent, matrem fieri cōdegissent. Pulchra enim vero


in *Castellana Tuczynia* agnosceret, quam suus quoq; Genitor
non alio præterquam Matris honestat nomine: digna
procul dubio tam pulchra appellatione, quæ, cum in Virum
maritali feratur affectu, tali insuper sollicitudine fovet, qua-
si genuisset. Et ut verbo omnia vestra Neo-Sponsi absol-
vam decora, & fascibus insignes, & legum culmine cultas convenisse
Domos in vobis animadverto. Ergo



te pares anima sacro in connubia voto :
Commune, amores mutui, sedus petunt,
Vobis, latus Hymen fausto excitat omine iadas
Nidore clarum quæ inquinant nullo diem.
Sic rutilant, purasq; vibrant fuligine flammæ,
Quas exulit sors iuncta viruti faces.
Flagrat amor, vita cui par alimenta ministrat
Æqualitas: & pectoris calidas fovet
Scintillas, socio morum concordia nexu;
Noxium, odiorum, mentibus, contra gelu.
TVCYNIAE stirpis Fortuna hic nupturit, & Sors
In matrimonium it NIEMOIEVIAE Domus.
Quantus utrinq; nitor! decorum concordia quanta!
Quam iungit animas hic sacer nexus pares!
Est diversa magis, quam limpida marginis unda
Formam, intuenti tersa vel reddunt vitra:
Et fracta magis est auctori vocis imago
Dissona, remittit quam situm procul nemus.
Hospes Honos alibi: sçrio cœu climate phœnix:
Hic, raritatis nomen amisit, morâ,
Fortunaq; vagus passim favor: hic in utraq;
Fixit moveri nesciam sedem Domo.
Patritios thalamis infert sic Sponsus Honores!
Infert Avitos Sponsa sic Fasces toro!
Quodsi animi dotes expendo: nec ille Marita
Nec illa potuit alteri iungi Viro.
Morum eadem gravitas, maestas oris utriq;
Eadem, modestas par rubor pingit genas.
Idem Celitum cultus, probitasq; fidesq;
Pudor animo, ori comitas, verbis lepos.
Cura Domus utriq; vigil. sed quæ tamen auri
Nescit & avari sordidam argenti famem.
Spirarent animæ veluti concorditer unæ

Sic, & mentis opes, & splendor originis alta
 Certant, & utra, nescias, culmen tenet!
 Ambæ primatum meruere: & conscius orbis,
 Vtriq; palmam porrigit, ut ambas probet.
 Frustra igitur peplum Zeuxes offudit amori,
 Frustraq; rapuit palpebram Sorti color;
 Damnati æternis nunquam potuere tenebris
 Adscire tam aptum moribus probis Genus.
 Ergo, felices, animorum in fœdera, fausto
 Contendite Neo-Coniuges Magni omine.
 Conceptisq; fidem alternam constringite verbis,
 Qui verus est, cedit pigras amor moras.
 Consumat Vulgus steriles inglorius annos:
 Nescire Magnæ crimen est Stirpi torum.
 Hoc pietas, Patria; iubet hoc reverentia Patris:
 Isti, Nepotes; Filios illi, date.
 His NIEMOIEVII nitetur Gloria fulcris:
 TVCZYNIV Mistæ fulcient Nomen Bases.

In eam nos, qui Patritio applaudimus Hymenæo eri-
 git fiduciam, Vestra Neo-Coniuges Fortuna. Nempe se-
 cundas iam Tibi CASTELLANE tædas pronuba Virtus
 accendit: a quibus proinde nomini suo consonam felicitatem
 fas sit expectare. Nunquam constanter fati humanum
 genus premimur: iam lætis tristia, iam calamitas suc-
 cedit prosperitati: rerum eventus alternantibus Superis,
 ne, aut Fortunæ favor, arrogantiam ingereret: aut ejusdem
 asperitas, spem in nobis labefactaret. Atrociter contra
 Te suam nuper exseruit fatum sævitiam, cum thalami so-
 ciam nefario ausu è vivis rapuisset: & quod magis mirer,
 nec Patritium Mutinæ propugnaculum, aliquam sævienti
 moram objecit: quasi Parium intra Ceras marmor, sepul-
 chrali præluderet lapidi! Ergo, blandum jam alternantis
 vices Fortunæ vultum præstolare. Gratijs temperatum
 Neo-Sponsæ Nomen, in gratiam tecum fata reducit: qui-
 bus nocendi libertatem æther adimit, ubi pronubâ virtu-
 te, paranymp hæ Fortuna connubij fœdus sociatur.



T

Int

wey

132

Plant

Hirt. Polon.
6 spec.

23

